

Ժողովուրդ

178
(2658)

9 դեկտեմբերի ուրբաթ 2022
2022 տպագրության ժԱ տարի

✉ ք. Երևան, Արուսյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com


100 դրամ

ՆԻԿՈՒ ՓԱՇԻՆՅԱՆԸ ԽԱՔԵԼ Է. ՄԱՍ 151



«Մենք զարմանալի պետություն ենք ընդհանրապես. Երեւանի քաղաքապետարանի տրանսպորտի վարչության պետին ծառայողական մեքենա ենք տալիս, ասում ենք՝ գնա գործի, արի տուն, մինչդեռ իր գործը մեր բոլորի, ժողովրդի համար գործից տուն գնալու պայման ապահովելն է: Եղ մարդու աշխատանքը երթուղայինի մեջ է, մի հատ բացատրեք՝ ինչի ենք իրեն ծառայողական մեքենա տալիս»: սա հատված է ընդդիմադիր պատգամավոր Նիկոլ Փաշինյանի 2015թ.-ի մի ելույթից: Փաշինյանն այս երեւոյթը անվանել էր «պաղպաղատապետություն»: «Հայաստանի Հանրապետությունում պետք է 30-35 ծառայողական մեքենա լինի՝ հատուկ պահպանության ենթակա պաշտոնյաների համար», - հավելել էր պատգամավորը: Հոկտեմբերի 19-ին պարզ դարձավ, որ կառավարությունը մտադիր է 200 ավտոմեքենա գնել ու թարմացնել պետական ավտոպարկը: Եվ չնայած տարիներ առաջ Նիկոլ Փաշինյանը շատ կտրուկ էր արտահայտվում, սակայն այս հարցում հեղափոխական քայլեր չեն արվել, եւ պետական ապարատում ավտոմեքենաների թիվը կրկին մեծ է: 2023 թվականի բյուջեի նախագծից պարզ է դառնում, որ կան գերատեսչություններ, որտեղ ծառայողական մեքենաների թիվն ավելանալու է: Եթե այս տարվա՝ 2022-ի դրությամբ ծառայողական մեքենաների թիվը պետական մարմիններում 933 է, ապա 2023-ին այն կավելանա 6-ով՝ կազմելով 939: Կրկին ականատես ենք լինում մի իրավիճակի, երբ ընդդիմադիր Նիկոլ Փաշինյանի խոսքերը հակադրվում են վարչապետ Նիկոլ Փաշինյանի խոսքերին, եւ չնայած նախկինում նա եւ նրա թիմակիցները դեմ էին արտահայտվում «պաղպաղատներին», սակայն հիմա ոչ միայն չեն կրճատում ավտոպարկը, այլ ձգտում են բարձրաժեղ եւ նոր մեքենաներով համալրել այն:

Ազգային ժողովի «Հայաստան» խմբակցությունը գնալով «Հայ հեղափոխական դաշնակցություն» ֆրակցիայի է վերածվում: Բանն այն է, որ ՀՀ երկրորդ նախագահ Ռոբերտ Քոչարյանի խորհրդարանական խմբակցությունում, որն ի սկզբանե քաղաքական դաշինք էր եւ տարբեր ուժեր ներկայացնող անհատներից էր կազմված, այժմ գերիշխող դիրք ունի ՀՀ-ում: Ըստ Ազգային ժողովի պաշտոնական կայքի՝ խմբակցությունում այս պահին ընդգրկված 25 պատգամավոր կա, եւս 4-ը՝ Կենտրոնական ընտրական հանձնաժողովի կողմից արդեն մանդատ են ստացել: Նրանք խորհրդարանի հերթական նիստի ժամանակ պատգամավորական երդում կտան ու կստանան խորհրդարանական պարտականությունները: Այսպիսով, «Հայաստան» խմբակցության 29 պատգամավորներից 14-ը դաշնակցականներ են, 13-ը, այդ թվում՝ Աղվան Վարդանյանը, անկուսակցական են, 1-ը՝ ասորի համայնքը ներկայացնող Զենֆիա Միրզոբեյան է՝ «Վերածնվող Հայաստան» կուսակցությունից: Հաշվի առնելով հանգամանքը, որ Վարդանյանը նախկին դաշնակցական է (իսկ դաշնակցականի նախկինը չի լինում), ապա ծայնների հարաբերակցությունն այնպես է դասավորվում, որ «Դաշնակցությունը» խմբակցության ներսում գերիշխող է դառնում: «Ժողովուրդ» օրաթերթը, ի դեպ, նկատել է, որ «Հայաստան» խմբակցության, այսպես ասած, հին պատգամավորները եկող՝ նոր պատգամավորներին չգիտեն, չեն ճանաչում, նրանցից շատերն անգամ միմյանց երբեւէ չեն էլ տեսել:



ՀՀ պետական վերահսկողության ծառայությունը մտել է ՀՀ պաշտպանության նախարարություն՝ ստուգումների: «Ժողովուրդ» օրաթերթի իրազեկ աղբյուրները փոխանցում են, որ ՀՀ կառավարության ղեկավար Նիկոլ Փաշինյանը հստակ հրահանգներ է տվել Պետական վերահսկողության ծառայությանը՝ մանրագնի ուսումնասիրել կոնկրետ ոլորտներ: Տեղեկացանք, որ մի քանի ուղղություններով արդեն սկսվել են ստուգումները: ՊՎՇ աշխատակիցները քրքրում են Հայաստանի պաշտպանական գերատեսչության փաստաթղթերը, ուսումնասիրում տարբեր պայմանագրեր, փոխանցումներ, որպեսզի հասկանան՝ նոր նախարարի օրոք որքան են փոխվել գերատեսչության գործունեությունը, գործող ավանդույթները, եղած բարքերը: Հիշեցնենք՝ ՀՀ պաշտպանության նախարար Սուրեն Պապիկյանի դեմ սեփական թիմում խարդաղականքներ են հյուսում, երբեմն կեղծ ինֆորմացիաներ տրամադրում Նիկոլ Փաշինյանին: Լուրեր կան, որ Սուրեն Պապիկյանի դեմ արշավի մի մասը կազմակերպում եւ կառավարում է ՀՀ ԱԺ պաշտպանության եւ ազգային անվտանգության հարցերի մշտական հանձնաժողովի նախագահ Անդրանիկ Քոչարյանը:



Շուրջ 1,5 միլի է, ինչ Երեւան քաղաքի ընդհանուր իրավասության դատարանի դատավոր Արուսյակ Ալեքսանյանը գտնվում է կալանքի տակ: «Ժողովուրդ» օրաթերթի տեղեկությունների համաձայն՝ կալանավորումից հետո ՀՀ ազգային անվտանգության ծառայության քննիչները մի քանի անգամ այցելել են «Արուսյակ» քրեակատարողական հիմնարկ, որպեսզի հարցաքննեն դատավոր Արուսյակ Ալեքսանյանին, սակայն դատավորը միշտ հրաժարվել է ցուցմունք տալուց: Ասել է թե՛ քրեական վարույթով ուրշագրավ իրավիճակ է. մեղադրյալ դատավորը հրաժարվում է քրեական վարույթով որեւէ ցուցմունք տալ, քննիչներն էլ անիմաստ գնում-գալիս են կալանավայր: Հիշեցնենք, որ Երեւան քաղաքի ընդհանուր իրավասության դատարանի դատավոր Արուսյակ Ալեքսանյանին պաշտոնական լիազորությունները չարաշահելու մեղադրանք է առաջադրվել: Նույն գործի շրջանակներում հոկտեմբերի 21-ին կալանավորվել է նաեւ փաստաբան Էրիկ Ալեքսանյանը՝ դատավոր Ալեքսանյանին աջակցելու համար, եւ դատավորի օգնականը, որը հետագայում ազատ արձակվեց:



ՏԱՆՈՒՄ Է ՊԱՏԵՐԱԶՄԻ

ՊԵՏՔ Է ՄԻՇՏ ՊԱՏՐԱՍՏ ԼԻՆԵԼ

«Միացյալ Հայասան» կուսակցության նախագահ Երվանդ Թադևոսյանը չի բացառում, որ Ադրբեջանի կողմից այս օրերին Արցախում իրականացվող սադրանքները կարող են ռազմական գործողությունների վերածվել, որովհետև Ադրբեջանի նախագահ Իլհամ Ալիևից ամեն ինչ սղասելի է:

«Ժողովուրդ» օրաթերթի հետ զրույցում ասում է, որ, բարեբախտաբար, ռուս խաղաղապահների ակտիվ միջնորդությամբ հարցը կարգավորվում է:

Ադրբեջանցիները, ասում է, չեն էլ թաքցնում իրենց ցանկություններն ու նման միջոցներով են փորձում հասնել ցանկալի նպատակներին, կորզել թվացյալ խաղաղությունը:

Հիշեցնենք, որ դեկտեմբերի 3-ին Շուշի-Քարին տակ խաչմերուկի հատվածում քաղաքացիական հագուստներով մի խումբ ադրբեջանցիներ բնապահպանական պատճառաբանությամբ փակել էին Ստեփանակերտ-Գորիս մայրուղին: Ընդհատվել էր Հայաստանի եւ Արցախի միջև ցամաքային կապը: Դրանից հետո հակասական հայտարարություններ տարածվեցին Լաչինի միջանցքում անցակետ տեղադրելու շուրջ: Ադրբեջանական հենակետ տեղադրելու մասին լուրերը տարածվեցին Լեռնային Ղարաբաղում տեղակայված ռուսաստանցի խաղաղապահների հրամանատար գեներալ-մայոր Անդրեյ Վոլկովի՝ Ադրբեջանի հանրային հեռուստատեսությամբ արված հայտարարությունից հետո:

Վոլկովն ասել էր, որ «Լեռնային Ղարաբաղը Հայաստանին կապող ճանապարհի վրա միև մի անցակետ կտեղադրվի՝ հագեցած հատուկ սարքավորումներով»: Ավելի ուշ Արցախի ԱԾԾ-ն հերքեց Արցախը Հայաստանի հետ կապող միջանցքում ադրբեջանական հենակետ տեղադրելու մասին լուրերը: Ստեփանակերտը հայտնեց, որ հարցի շուրջ քննարկում է կազմակերպվել Վոլկովի հետ, որի ընթացքում «վերջինս հայտարարել է, որ միջանցքում հենակետ չի լինելու, այն ադրբեջանցիների կողմից չի վերահսկվելու, եւ միջանցքում խաղաղապահների տեղակայման վայրերում, ադրբեջանցիներ չեն լինելու»:

Այս եւ այլ հարցերի շուրջ «Ժողովուրդ» օրաթերթը զրույցել է «Միացյալ Հայաստան» կուսակցության նախագահ Երվանդ Թադևոսյանի հետ:

Պարոն Թադևոսյան, ինչպես եք վերաբերվում Ադրբեջանի կողմից վերջին օրերին իրականացված սադրանքներին:



Արդյոք տեսնում եք հնարավորություն, որ այդ սադրանքները կարող են ռազմական գործողությունների վերածվել:

-Ադրբեջանական հերթական լստիությունն է, եւ ագրեսիան չի իրականացվում միայն ռազմական ճանապարհով: Նրանք նաեւ փորձում են այդ թվացյալ խաղաղությունը խախտել: Պետք է արժանի մատուցենք ռուս խաղաղապահներին, որ թե՛ առաջին, թե՛ երկրորդ միջադեպի դեպքում էլ հարցը կարողացան կարգավորել շատ արագ, առանց այլ միջադեպերի:

Իսկ ի՞նչ եք կարծում, այդպիսի դեպքեր հաճախակի՞ կտեսնենք:

-Ադրբեջանի նախագահ Իլհամ Ալիևը վաղուց իրականությունից կտրվել է, շեղվել է, աստղային տարերքի մեջ է այս օրերին: Ադրբեջանական գործարարություններ են հիմա ընթանում, որը ինչ-որ տեղ Իրանի Իսլամական Հանրապետության դեմ է ուղղված: Այդ ամենի ֆոնին Ադրբեջանը չի կարողանում թաքցնել իրենց ագրեսիվ ցանկությունները, եւ, ինչու ոչ, այդպիսի միջոցներով նրանք ցանկանում են կորզել իրենց պատկերացրած եւ թվացյալ անկախությունը:

Այսինքն՝ տեսնում եք հնարավորություն, որ այս գործողությունները կարող են վերաճել ռազմական ագրեսիայի:

-Այո, պատուհասից ամեն ինչ կարելի է սպասել: Մենք ոչ միայն հիմա, այլեւ միշտ պետք է պատրաստվենք եւ պատրաստ լինենք պատերազմի: Խոսքը միայն հիմնական մասին չէ, երբ գեղքաղական առումով եւս խառը իրավիճակ է: Պետք է հասկանալ, որ թուրք-ադրբեջանական տանդեմը մեր դեմ ամեն ինչ կարող է նոր ագրեսիվ գործողություն սկսել, եւ մենք պետք է միշտ պատրաստ լինենք այդ ամենին:

Զրույցը ՍԵՎԱԿ ՎԱՐԴՈՒՅԱՆԸ

ԱՇԽԱՏԱՎԱՐՁ ԿԱՎԵԼԱՑՆԵՆ

Այսօր կգումարվի Ազգային ժողովի արտահերթ նիստ, որի օրակարգում ընդգրկված է նաեւ «Հատուկ պետական պաշտպանության ենթակա անձանց անվտանգության ապահովման մասին» օրենքում փոփոխություններ եւ լրացումներ կատարելու մասին օրենքների նախագծերի փաթեթը: Պետական պահպանության ծառայությունը կդառնա վարչապետին ենթակա մարմին եւ դուրս կբերվի Ազգային անվտանգության ծառայության մարմինների համակարգից: Այս պարագայում վարչապետին նոր լիազորություն է տրվելու, եւ ՊԴԾ պետ առաջադրելու իրավասություն հեղ Նիկոլ Փաշինյանն է ունենալու: «Ժողովուրդ» օրաթերթը տեղեկացավ, որ փոփոխության արդյունքում կբարձրանա նաեւ ՊԴԾ պետի եւ նրա տեղակալների աշխատավարձը, այսինքն՝ Նիկոլ Փաշինյանն իր թիկնազորի եւ ղեկավարի աշխատավարձը բարձրացնում է: Բանն այն է, որ այժմ, երբ Պետական պահպանության ծառայությունը հանդիսանում է ԱԾԾ-ի մաս, պետք ստանում է Ազգային ժողովի պատգամավորին, մարզպետին, դատական ակտերի գլխավոր հարկադիր կատարողին, քրեակատարողական ծառայության պետին հավասար աշխատավարձ (661 հազար 400 դրամ հարկերը ներառյալ): Նոր փոփոխություններով Պետական պահպանության ծառայության ղեկավարը ստանալու է ԱԾԾ տնօրենին, Ոստիկանության պետին, ԱԺ մշտական հանձնաժողովի նախագահին հավասար աշխատավարձ (793 հազար 680 դրամ՝ ներառյալ հարկերը): Նրա աշխատավարձն ավելանալու է 132 հազար դրամով: ՊԴԾ պետի տեղակալն էլ կստանա այնքան գումար, որքան ստանում են Ոստիկանության պետի, ԱԾԾ տնօրենի տեղակալները (562 հազար 190 դրամ՝ ներառյալ հարկերը): Այս փոփոխություններով վարչապետ Նիկոլ Փաշինյանը ոչ միայն իր լիազորություններն է ավելացնում եւս մեկով, այլ իր պահպանությունը բարձր մակարդակով կազմակերպելու համար բարձրացնում է թիկնապահների աշխատավարձը:

ԵՐԿՈՒ ՏԱՐԲԵՐԱԿ

«Մենք մեր ջանքերը կներդնենք, որ մինչեւ տարվերջ խաղաղության պայմանագիր ունենանք. հիմա ավելի մոտիկ լինելով տարեվերջին՝ դժվար է ասել, որ կստացվի», - լրագրողների հետ ճեպագրույցի ժամանակ ասաց Անվտանգության խորհրդի քարտուղար Արմեն Գրիգորյանը:

Գրիգորյանը ասաց, որ դեռեւս վերջնական որոշում չկա, թե խաղաղության պայմանագրով է արդյոք ԼՂ հիմնահարցը լուծվելու, թե առանձին միջազգային մեխանիզմ են ստեղծելու:

Անդրադառնալով խաղաղության պայմանագրի տարբերակներին՝ Գրիգորյանը ասաց, որ կա երկու տարբերակ: «Մեկը առաջարկել է ՌԴ-ն, իսկ մյուսն այն տեսան է, որը մեզ փոխանցել է Ադրբեջանը, եւ որի վրա մենք աշխատում ենք: Արեւմուտքը որեւէ տեսքով մեզ չի առաջարկել, Արեւմուտքը փորձել է միջավայր ստեղծել բանակցության համար», - ասաց Արմեն Գրիգորյանը:

ԼՈՒՐԵՐ

ՔՊ-Ն ԶԶԻՉԵՑ

Շիրակի մարզի Անի համայնքում նոր ընտրություններ կլինեն: Կառավարությունն իր երեկվա նիստում որոշեց վաղաժամկետ դադարեցնել Շիրակի մարզի Անի համայնքի ավագանու լիազորությունները եւ ավագանու արտահերթ ընտրություններ նշանակել:

Բանն այն է, որ Շիրակի մարզի Անի համայնքում ընտրություններից հետո որեւէ ուժ միայնակ իշխանություն ձեւավորելու համար բավարար ձայներ չէր ստացել: Երկու խմբակցությունների՝ «Քաղաքացիական պայմանագրի» ու «Հայկական երազանքի» բոլորտի պատճառով նորընտիր ավագանու առաջին նիստը չի կայացել, եւ համայնքապետ չի ընտրվել:

«Ազգ-համայնք» դաշինքի թեկնածուն 18 տարի ղեկավարած Արտակ Գետրգյանն էր, ում սեպտեմբերին կայացած ընտրություններում ընդամենը մեկ մանդատ չէր իրենց միայնակ իշխանություն ձեւավորելու համար:

Արդյունքում նորընտիր ավագանին չկարողացավ հավաքվել, ու նշանակեցին արտահերթ ընտրություններ: Փաստորեն, այս համայնքում եւս ՔՊ-ն հրաժարվեց իշխանությունը տալ ուրիշին:

ՆԱԻՐԱ ԳՈՎԿԱՆՆԻՍՅԱՆ

ԿՐԿԻՆ ԳՈՐԾՈՒՂՈՒՄՆԵՐ

Ազգային ժողովի «Քաղաքացիական խմբակցության» պատգամավոր, ՀՀ ԱԺ պետական-իրավական հարցերի մշտական հանձնաժողովի նախագահ Վլադիմիր Վարդանյանը նորից գործուղման է

մեկնում: ArmLur.am-ը տեղեկացավ, որ նա ղեկտեմբերի 10-13-ը Փարիզ է մեկնելու՝ մասնակցելու ԵԽՏՎ իրավական եւ մարդու իրավունքների հարցերի հանձնաժողովի նիստին:

ՔՊ-ական մեկ այլ պատգամավոր էլ՝ Ալեքսեյ Սանդիկովը, ղեկտեմբերի 12-16-ը Մոսկվա կմեկնի: Նա՝ որպես փորձագետ եւ ժյուրիի անդամ, կմասնակցի «Բանավեճերի դաշնային լիգա» միջազգային երիտասարդական մրցույթին:

Նշենք, որ Վարդանյանի գործուղման հետ կապված ծախսերը՝ ճանապարհածախսը, օրապահիկը, ինչպես նաեւ գիշերավարձը, ՀՀ պետությունից հաշվին են կատարվելու: Ինչ վերաբերում է Սանդիկովի գործուղմանը, ապա նշենք, որ գիշերավարձի եւ ճանապարհածախսի վճարումը կատարելու է հրավիրող կողմը:

Ս. ՎԱՐԴԱՆՅԱՆ

ԻՐԱՎԻՃԱԿ

ԱՐՁԱԳԱՆՔ

Թ. ԹՈՎՄԱՍՅԱՆԸ ՊԱՏԱՄԽԱՆԵԼ Է ԱԳՐԵՋԱՆԻՆ

ՆՈՐ ԼՐԱՋՈՐՈՒԹՅՈՒՆՆԵՐ

Վաղը՝ դեկտեմբերի 9-ին, կգումարվի Ազգային ժողովի արտահերթ նիստ, որի օրակարգում ընդգրկված է նաև «Հատուկ պետական պաշտպանության ենթակա անձանց անվտանգության ապահովման մասին» օրենքում փոփոխություններ և լրացումներ կատարելու մասին օրենքների նախագծերի փաթեթը: Այս օրենքների նախագծերի ընդունման դեպքում վարչապետն է որոշելու, թե արդյոք պաշտոնաթող նախագահներին և վարչապետներին պետական պահպանություն կտրամադրվի, թե ոչ: Փոփոխություն է կատարվելու Ազգային ժողովի նախագահին պետական պահպանություն տրամադրելու կարգում, և ամրագրվելու է, որ Հայաստանի Հանրապետության Ազգային ժողովի նախագահի պաշտոնավարման ժամանակահատվածում պետական պահպանություն տրամադրվում է նաև նրա հետ համատեղ բնակվող, ինչպես նաև նրան ուղեկցող ընտանիքի անդամներին: Բացի այդ, ներկայումս օրենքի ուժով Հանրապետության նախագահի և վարչապետի առողջական վիճակին հետևելու նպատակով առանձնացվում է անձնական բժիշկ, սակայն ԱԺ նախագահի համար՝ ոչ: Այս հանգամանքը ես կփոփոխվի, և առաջարկվում է ամրագրել, որ ԱԺ նախագահի, նրա ընտանիքի անդամների (ամուսին, ծնող) համար ես ապահովվում է Հայաստանի Հանրապետությունում գործող բժշկական կազմակերպություններում բժշկական օգնությունն ու սպասարկումը:

Մյուս փոփոխությամբ՝ Պետական պահպանության ծառայությունը կդառնա վարչապետին ենթակա մարմին և դուրս կբերվի Ազգային անվտանգության ծառայության մարմինների համակարգից:

ՈՎՔԵՐ ԵՆ ՄԱՆԳԱՏ ՄՏԱՑԵԼ

Ազգային ժողովը չորս նոր պատգամավոր ունի. բոլորը «Հայաստան» դաշինքի անդամներ են: ArmLur.am-ը պարզել է՝ ովքեր են նրանք:

Այսպես, Արամ Վարդեանյանի փոխարեն մանդատ ստացած Միեր Սահակյանը դաշնակցական է: Նա ԱԺ «Հայաստան» խմբակցության ղեկավար Սեյրան Օհանյանի՝ հասարակական հիմունքներով օգնականն է:

Վահե Հակոբյանի փոխարեն մանդատ է ստացել Նորից դաշնակցական Արփինե Վարդանյանը: ArmLur.am-ի ունեցած տեղեկություններով՝ նա մասնավոր ընկերություններից մեկում է աշխատում որպես ծրագրավորող:

Հռիփսիմե Ստամբուլյանի մանդատը Գեղարքունիքի մարզի Զուլաբար համայնքի նախկին համայնքապետ Արման Ղազարյանին է անցել: Նա, նշենք, նախորդ տարի տարածքային կառավարման և ենթակառուցվածքների նախարար Գնել Սանոսյանի որոշմամբ է ազատվել պաշտոնից: «Հետք»-ի հրապարակումների հիման վրա, նշենք, Ղազարյանի մասով մի քանի քրեական գործեր էին հարուցվել:

Ելենա Կիրակոսյանի մանդատն էլ իրենա Գասպարյանին կանցնի: Նա, ArmLur.am-ի տեղեկություններով, Հայաստանի ասորական կազմակերպությունների «խայտառակ» ֆեդերացիայի նախագահն է:

Պատերազմական հանցագործություններով հայցնի Ադրբեջանում, փաստերեն, գոյություն ունի Մարդու իրավունքների հարցերով հանձնաժողով, այս մասին հայտարարություն է արածել ԱԺ մարդու իրավունքների դաշնակցության և հանրային հարցերի մասնակցական հանձնաժողովի նախագահ, անկուսակցական Թագուհի Թովմասյանը:

Լրատվական կայքերում տարածվում է Ադրբեջանի խորհրդարանի՝ մարդու իրավունքներով զբաղվող ինչ-որ հանձնաժողովի նախագահ Ջ. Օրուջայի հայտարարությունն առ այն, որ Ադրբեջանը պատերազմով տիրեց Շուշիին, խաղաղությամբ էլ կտիրի Երեւանին:

Միջազգային գործընկերներին ուշադրությունն են հրավիրում այն հանգամանքի վրա, որ մարդու իրավունքներով զբաղվող Ադրբեջանի այս պաշտոնյան, ըստ էության, անտեսում է մարդու անօտարելի, համընդհանուր իրավունքների պաշտպանությանը վերաբերող այն առանցքային դրույթները, որոնցով պետությունները պարտավորված են առաջնորդվել իրենց միջազգային հարաբերություններում: Մասնավորապես այս հայտարարությամբ Ադրբեջանի Մարդու իրավունքների հանձնաժողովի նախագահը, փաստորեն, ողջունում է Ադրբեջանի վարքագիծն առ այն, որ Ադրբեջանը, խախտելով ԵԱՀԿ Մինսկի խմբի շրջանակներում ընթացող Ղարաբաղյան հակամարտության խաղաղ կարգավորման բանակցությունների հիմքում դրված, ինչպես նաև ՄԱԿ-ի կանոնադրությամբ, ԵԱՀԿ Հելսինկյան եզրափակիչ ակտում ամրագրված՝ ուժի գործադրումից կամ դրա սպառնալիքից ձեռնպահ մնալու, վեճերի խաղաղ կարգավորման հիմնարար սկզբունքները, 2020 թվականի սեպտեմբերի 27-ին սանձազերծել է լայնամասշտաբ ռազմական ագրեսիա Արցախի դեմ, կիրառել ընդհանուր միջազգային իրավունքով արգելված զինատեսակներ, թիրախավորել Արցախի քաղաքացիական բնակչությանը և ենթակառուցվածքները:

Իսկ Ադրբեջանի պատերազմական հանցագործությունների հետեւանքով հազարավոր մարդկային կյանքերի կորուստը ցավալի է, որ որեւէ կերպ չի հետաքրքրում մարդու իրավունքներով զբաղվող այս պաշտոնյային:

Ջ. Օրուջան, հավատարիմ Ադրբեջանի նվաճողական քաղաքականության տրամաբանությանը, խոսում է միջազգային



իրավունքի սուբյեկտի՝ Հայաստանի Հանրապետության մայրաքաղաքին տիրանալու մասին, որը միջազգային իրավունքի աղաղակող խախտում է:

Ինչ վերաբերում է վերջինիս հիշատակած խաղաղությանը, ընդգծում են՝ Ձեր խաղաղությունը՝

- ամենօրյա հրաձգային, ականանետային կրակոցներն են,
- հայ խաղաղ բնակչության, զինծառայողների սպանություններն ու վիրավորումներն են, քաղաքացիական բնակչության ուղղակի թիրախավորումը,
- հայ ռազմագերիների և քաղաքացիական անձանց պատանդառությունը, գերության մեջ հայտնված հայ զինծառայողների ու քաղաքացիական անձանց արտադատական սպանությունները,
- բռնի անհետացումը,
- քաղաքացիական անձանց, այդ թվում՝ կանանց նկատմամբ խոշտանգումները, դաժան և անմարդկային վերաբերմունքը,
- հայ ժողովրդի նկատմամբ էթնիկ ատելությունը, նոր ցեղասպանության իրագործման պետական քաղաքականության կյանքի կոչումը,
- Արցախի շրջափակումն ու աշխարհի հետ կապի արգելափակումը,
- երեխաներին սննդի մատակարարումների արգելափակումը, նրանց կյանքի իրավունքի ոտնահարումները,
- վիրավորներին անհրաժեշտ բժշկական օգնության արգելափակումը,

● առհասարակ անարգանքը միջազգային հումանիտար իրավունքի նկատմամբ...

Թերեւս այս պաշտոնյային հիշեցնեն Ձեր խաղաղության օրակարգն այնքան կեղծ է, որ Արդարադատության միջազգային դատարանը ձեզ պարտավորեցրել է՝

- «Պաշտպանել բռնությունից և մարմնական վնասվածքներից բոլոր այն անձանց, որոնք գերեզմարվել են՝ 2020թ. զինված հակամարտությամբ պայմանավորված, և դեռևս շարունակում են մտալ գերեզմարված, և ապահովել նրանց անվտանգությունն ու օրենքի առջեւ հավասարությունը»,
- «Ձեռնարկել բոլոր անհրաժեշտ միջոցները՝ կանխելու ազգությամբ և էթնիկ հայերին թիրախավորող ռասայական ատելության և խտրականության հրահրումը և խթանումը՝ ներառյալ Ադրբեջանի պաշտոնյաների և պետական հաստատությունների կողմից»...

Միաժամանակ կարող եք ընդունել ի գիտություն, որ «Ռասայական խտրականության բոլոր ձևերի վերացման մասին» կոնվենցիայով Ադրբեջանի կողմից ստանձնած պարտավորությունների կատարման վերաբերյալ ՄԱԿ-ի Ռասայական խտրականության վերացման կոմիտեի եզրափակիչ դիտարկումներում տեղ են գտել 2020թ. Արցախի դեմ ագրեսիայի ընթացքում և դրանից հետո Ադրբեջանի կողմից իրականացվող մարդու իրավունքների կոպիտ խախտումների դեպքերը:

ՕՐՎԱ ԽՃԱՆԿԱՐ ԱՆԻՄԱՏԱՆՔԱՅԻՆ ԱՅՑ

Պաշտպանության նախարար Սուրեն Պապիկյանի գլխավորած պատվիրակությունն աշխատանքային այցով մեկնել է Ռուսաստանի Դաշնություն: Այս մասին հայտնել է ՊՆ մամուլի քարտուղար Արամ Թորոսյանը:

ՀԱՆԳԻՊՈՒՄ

Ֆրանսիայի Հանրապետությունում գտնվող Արցախի Հանրապետության նախագահ Արայիկ Հարությունյանի գլխավորած պատվիրակությունը հանդիպել է Փարիզի քաղաքապետ Անն Իդալգոյի հետ: Հանդիպմանը քննարկվել են Ար-

ցախ-Ֆրանսիա կապերի զարգացմանը, ադրբեջանադարաբաղյան հակամարտության կարգավորմանը վերաբերող տարբեր հարցեր: Արայիկ Հարությունյանը բարձր է գնահատել Անն Իդալգոյի ջանքերը՝ ուղղված Արցախի ժողովրդի իրավունքների պաշտպանությանը, անկախության միջազգային ճանաչման համար պայքարին սատարմանը, ինչպես նաև Ադրբեջանի կողմից բռնազավթված տարածքներում Արցախի հոգեւոր-մշակութային ժառանգության պաշտպանությանը: Նախագահը նաև շնորհակալություն է հայտնել Փարիզի քաղաքային խորհրդի անդամներին Արցախի Հանրապետության անկախության ճանաչման բանաձեռի օգտին քվեարկելու համար:

Փարիզի քաղաքապետը վստահեցրել է, որ Փարիզը միշտ կլինի Արցախի և նրա

ժողովրդի կողքին՝ պաշտպանելով նրա ինքնորոշման և խաղաղ ապրելու իրավունքները:

ԺԱՄԱՆԵԼՈՒ Է ԵՐԵՎԱՆ

Հարավային Կովկասում Եվրամիության հատուկ ներկայացուցիչ Տոյվո Կլասարը հայտնել է, որ մեկնում է Երեւան: Նա այս մասին գրել է իր սոցիալական միկրոբլոգում: «Բարի առավոտ: Այսօր փորձարկում ենք Վիեննա-Երեւան ուղիղ չվերթը: Կեսօրին ակնկալում են բովանդակալից հանդիպումներ», - գրել է ԵՄ պաշտոնյան՝ կից հրապարակելով օդանավում արված լուսանկար:

ՀԱՐՁԱԿՈՒՄ ՏԱՆ ԿՐԱ

ԳԵՌ ԶԻ ՀԱՅՏՆԱԲԵՐՎԵԼ

Արդեն երեք օր է, ինչ Կոսայի մարզի ընդհանուր իրավասության դասարանը...



դիմակներով մտել են Սկրտումյանի տուն, իսկ ինքնությունը չպարզված անձը սպասել է...

Արման եւ Գոռ Սկրտումյանների եւ Յուլիաննե Ռիժենկոյի միջեւ ծեծկռուտը է սկսվել:

Հիշեցնենք, որ 2019 թվականին ՀՀ վճռաբեկ դատարանի նախկին նախագահ Արման Սկրտումյանի տան հարձակման կապակցությամբ հարուցված քրեական գործն ուղարկվել է դատարան:

Ըստ մեղադրական եզրակացության՝ Գագիկ Դանոյանը նախնական համաձայնության է եկել ընկերոջ՝ Հովհաննես Ռիժենկոյի, դատեր ամուսնու՝ Մայիս Սկրտումյանի եւ գործով ինքնությունը չպարզված անձի հետ:

2018 թվականի օգոստոսի 28-ին՝ ժամը 22:00-ի սահմաններում, նրանք BMW X5 մակնիշի մեքենայով գնացել են Արման Սկրտումյանին պատկանող, Կոտայքի մարզի Չորաղբյուր գյուղում գտնվող առանձնատուն:

ՄԵՂԱԴՐԱՆՔ

ԸՆՏԱՆԵԿԱՆ ԲՈՆՈՒԹՅԱՆ ՀԵՏԵՎԱՆՔԸ

ՀՀ ճանաչված կոմիտեի Գեղարձուցիչի մարզային ճյուղի ղեկավար Սեանի ճանաչված բաժնուհի ճանաչված ֆրանկապահ վարույթի օրգանակներում իրականացված ճանաչված եւ վարույթի գործողությունների արդյունքում դարձվել են Գեղարձուցիչի մարզի 25-ամյա բնակչուհուն ինքնատրամբայան փորձի հասցնելու դեղի հանգամանքներ:

նրա եւ մերձավորների հասցեին հայիտանքներ հնչեցրել: 2022 թվականի նոյեմբերի 21-ին 27-ամյա տղամարդը հերթական անգամ հարվածել է կնոջը, վիրավորել նրա արժանապատվությունը, սպառնացել: Տղամարդու կողմից պարբերաբար դրսևորված դաժան եւ արժանապատվությունը նվաստացնող վերաբերմունքից դրդված, գտնվելով հոգեկան ծանր պարամետրի մեջ, անկարող լինելով տանել առկա վիճակը՝ հետագայում նորից իր նկատմամբ ամուսնու կողմից նման վերաբերմունքից ազատվելու համար, հաշվի չառնելով նույնիսկ իր խնամքին գտնվող մանկահասակ երեխային, նույն օրը՝ ժամը 21:00-ի սահմաններում, 25-ամյա կինը գնացել է Երեւան-Սեւան-Իջեւան ավտոճանապարհի 62-րդ կմ հատված եւ ինքնասպանություն գործելու նպատակով այնտեղ կառուցված հետիոտնային վերգետնյա անցումից իրեն ցած է նետել եւ ստացել մարմնական վնասվածքներ: Ձեռնարկված նախաքննության ընթացքում պարզվել է նաեւ, որ 27-ամյա տղամարդու կողմից 25-ամյա կնոջը պարբերաբար ծեծի ենթարկելու, վերջինիս մերձավորների հասցեին սեռական բնույթի հայիտանքներ հնչեցնելու ժամանակ, գիտակցելով, որ որդու գործողությունները ֆիզիկական եւ հոգեկան տառապանք են պատճառում 25-ամյա կնոջը, որդուն սաստելու փոխարեն, մայրը նորմալ է ընդունել այդ հանգամանքը՝ ողջունելով որդու կողմից բռնության գործադրումը, այդպիսով դրսևորել դաժան եւ արժանապատվությունը նվաստացնող վերաբերմունք:

Հարուցված հանրային քրեական հետապնդման հիման վրա՝ վարույթն իրականացնող մարմնի կողմից 27-ամյա տղամարդուն եւ նրա մորը մեղադրանք է ներկայացվել՝ ՀՀ քրեական օրենսգրքի 162-րդ հոդվածի 2-րդ մասի 3-րդ կետով նախատեսված արարքի հատկանիշներով: Նրանց նկատմամբ որպես խափանման միջոց է ընտրվել ջրաբանական արգելափակում: Նախաքննությունը շարունակվում է:

ԼՈՒՐԵՐ

ՔՆՆԻՉԸ ՊԱՐՏՎԵՑ

ArmLur.am-ը հայտնել էր, որ ՀՀ ՔԿ Սեանի ընկերական բաժնի ընկիչ Անդրանիկ Անտոնյանը դիմել է ՀՀ վարչական դատարան՝ դատի տալով ՀՀ ընկերական կոմիտեին:

Ինչպես հայտնի է, անցած տարի աշխատանքից ազատվել էր ՀՀ ՔԿ Սեանի ընկերական բաժնի ընկիչ Անդրանիկ Անտոնյանը: Վերջինիս ազատել են «Ֆեյսբուք» սոցիալական ցանցում իշխանությունների դեմ արտահայտված անձանց գրառումները կիսվելու համար: ՀՀ ՔԿ Սեանի ընկերական բաժնի ընկիչ Անդրանիկ Անտոնյանի ազատման գործով զարգացումներ են տեղի ունենում:

ArmLur.am-ի հետ զրույցում փաստաբան Հովսեփ Սարգսյանը հայտնել էր, որ ինքը տեղեկություններ ունի, թե ընկիչների գործողությունները մոնիթորինգի են ենթարկում, ասել է թե՛ ուրվականներ են փնտրում, որ «ընկիչ Անդրոյի» ճակատագրին արժանացնեն:

Եվ, ահա, մեզ հայտնի դարձավ, որ դատարանը մերժել է ընկիչը հայցը: Ի դեպ, ընկիչը պայմանագրային զինծառայող է դարձել եւ ծառայում է բանակում:

Ք. ՄԱՆՈՒԿՅԱՆ

ՄՈՒՐԵՑԻՆ ԵՆ ՀԱՄԱՐԱԿՈՒԹՅԱՆԸ

Մրցակցության պաշտպանության հանձնաժողովի որոշմամբ՝ «Յանդեքս Տաքսի Էյթ» եւ «Յանդեքս Մուսուր Էյթ» ՍՊԸ-ների նկատմամբ հասարակության մոլորեցման դրսևորմամբ, անբարեխիղճ մրցակցության առերեսույթ հատկանիշներով, հարուցվել է վարույթ:

Մասնավորապես՝ հանձնաժողովը հաշվի է առել, որ

- https://eats.yandex.com կայքում առկա է «Բոլոր առաքումները՝ անվճար» բովանդակությամբ հրապարակում, մինչդեռ անվճար առաքումն իրականացվել է մինչեւ 2022 թվականի նոյեմբերի 15-ը, որի մասին նշվում է միայն ֆեյսբուքյան էջում,

- https://eats.yandex.com կայքում առկա է «Բոլոր առաքումները՝ անվճար» բովանդակությամբ հրապարակում, մինչդեռ անվճար առաքման համար առկա է էական պայման՝ 1 500 ՀՀ դրամ եւ ավել գնում կատարելը, որի մասին չի նշվում,

- Yandex Eats: food delivery եւ «YandexGo» բջջային հավելվածներում հրապարակվել է «1350 Դ գեղջ՝ Յանդեքս Իթսից» բովանդակությամբ ակցիա, մինչդեռ չեն նշվել ակցիայից օգտվելու էական պայմանները, այն է՝ պետք է մուտքագրել պրոմո կոդ, որն է պրոմո կոդը, ինչպես նաեւ տվյալ գեղջից հնարավոր է օգտվել միայն մեկ անգամ՝ առաջին պատվերի շրջանակներում,

- Yandex Eats: food delivery եւ «YandexGo» բջջային հավելվածներում հրապարակվել է «Բուրգերից մինչեւ բուրիտո, -10%» բովանդակությամբ գովազդ, սակայն պատվերելիս 10%-ի զեղջ չի կիրառվում:

● Ըստ ոստիկանության տվյալների՝ դեկտեմբերի 7-ից 8-ը Հայաստանի Հանրապետությունում բացահայտվել է հանցագործության 56 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ՀՈՒՆ ԿԵՐՊՈՎ ԻՆՔՆՍՊԱՐԳԵՎԱՏՐՈՒՄ

Տավուշի մարզպետարանից հայտնում են, որ մարզի հանրակրթական 76 դպրոցների շենքերից 10-ն ունի հիմնականում 32-ը վերանորոգման (դասասենյակներ, միջանցքներ, մարզադահլիճներ) կարիք: Պետական դպրոցների շենքերը նորոգելու համար պետական բյուջեից գումարներ չեն հատկացվում, սակայն Տավուշի մարզպետ Յայլ Դալույանին իրեն եւ մարզպետարանի պաշտոնյաներին պետական բյուջեից առատորեն պարգևատրում է, հայտնի չէ, թե որ նվաճումների համար: Տավուշի մարզպետարանի թվով 76 աշխատակից 2022 թվականի 33 պետական բյուջեով նախատեսված 59,5 միլիոն դրամ պարգևատրման գումարից 2022թ. նոյեմբերի 25-ի դրությամբ ստացել է 49,5 միլիոն դրամի պարգևատրում:

ՕՊԻ ԵՆ ԹՈՐԵԼ

Բերդ համայնքի սահմանամերձ Չինարի բնակավայրի վարչական ղեկավար Սամվել Սարգսյանը հայտնեց, որ այս տարի Չինարից 300 տոննա կիլոգրամը միջինը 300 դրամով թուզ է արտահանվել: Նրա խոսքերով Բերդ համայնքի Չինարի եւ Այգեձոր գյուղերում այժմ ընդհանուր մոտ 50 տոննա կորոյուկի (արքայանարնջի) բերք կա, սակայն անգամ կիլոգրամը 200 դրամով գնորդ չկա: Չինարի վարչական ղեկավարն ասաց, որ սահմանամերձ գյուղի բնակիչները ստիպված կորոյուկից օրի են թորելու՝ խմեն: Աճեցրած կորոյուկի իրացման լուրջ խնդիր կա նաեւ Իջեան խոշորացված համայնքի սահմանամերձ Բերքաբեր գյուղում:

ԱՆԿԱՏԱՐ ՄՈՒՐԱԶ

Տավուշի մարզպետարանի պաշտոնյան իր անունը չհրապարակելու պայմանով հայտնեց, որ վարչապետ Նիկոլ Փաշինյանի դասընկեր, նրա հարսանիքի քավոր, Նիկոլ Փաշինյանի որդյամբ 2019թ. սեպտեմբերի 12-ին Իջեան համայնքի ղեկավարի պաշտոնակատար, 2021թ. ապրիլի 8-ին Տավուշի մարզպետ Նշանակված Յայլ Դալույանը ցանկանում է դառնալ Յայաստանի ՊԵԿ նախագահ, սակայն վարչապետ Նիկոլ Փաշինյանը չի կարողանում քավորի ցանկությունն իրականություն դարձնել, քանի որ ՊԵԿ նախագահ Ռուստամ Բաղասյանը Յայաստանում «Սորոսի գրասենյակի» ղեկավար Լարիսա Միլասայանի կարգին է. Նիկոլ Փաշինյանը չի ցանկանում վերջինիս հետ հարաբերություններ փչացնել:

ՀԱՆՁՆՎԵԼ Է ՈՍՏԻԿԱՆՆԵՐԻՆ

Բերդ խոշորացված համայնքի Այգեձոր գյուղի բնակիչ, 1995թ. ծնված Նվեր Կիզորյանին մեղադրանք է առաջադրվել այն բանի համար, որ նա, չունենալով տրանսպորտային միջոցներ վարելու իրավունք եւ գտնվելով ոչ սթափ վիճակում, 2022 թ. սեպտեմբերի 5-ին ժամը 17:30-ի սահմաններում, իրեն պատկանող «Վազ 2107» մակնիշի ավտոմեքենայով մուտք է գործել ոստիկանության Տավուշի բաժնի տարածք, որտեղ էլ հայտնաբերվել է ոստիկանության Տավուշի բաժնի ծառայողների կողմից: Նրան մեղադրանք է առաջադրվել 33 քրեական օրենսգրքի 344 հոդվածի 2-րդ մասով, նրա նկատմամբ խափանման միջոց է ընտրվել բացակայելու արգելքը: Ն. Կիզորյանի դատավարությունն ընթանում է Տավուշի մարզի առաջին ատյանի դատարանում:

ՈՍԿԱՆ ՍԱՐԳՅԱՆ Տավուշ

ԸՆԴՈՒՆՎԵՑ

ԾԱՌԱՅՈՒԹՅԱՆ ՆՈՐ ԾՐԱԳԻՐ ԿԳՈՐԾԻ

Գեկտեմբերի 7-ին Ազգային ժողովը երկրորդ ընթերցմամբ եւ ամբողջությամբ միաձայն ընդունել է «Պաշտպանության հայրենյաց» ծրագիրը: Ըստ այդմ, «Ես եմ» ծրագրին այսուհետ կփոխարինի նոր «Պաշտպանության հայրենյաց» ծրագիրը:



«Պաշտպանության հայրենյաց» ծրագիրը նախատեսում է շարքային եւ սպայական կազմերի պարտադիր զինվորական ծառայության առաջին 6 ամիսը լրանալուց հետո, Կառավարության սահմանված կարգով, պայմանագրային զինվորական ծառայության անցնելու հնարավորություն՝ ծառայության ժամկետը սահմանելով 5 տարի:

Պայմանագրի ժամկետը լրանալու կամ առողջական վիճակի պատճառով ոչ պիտանի ճանաչվելու հիմքով ծառայությունից ժամկետից շուտ արձակվելիս նրանց համար սահմանվել է պատվովճար ստանալու իրավունք: Պատվովճարի չափը 5 միլիոն դրամ է, որը շահառուն ազատորեն կարող է տնօրինել:

«Պաշտպանության հայրենյաց» ծրագրով 18-ամյա զինծառայողը 6 ամիս ծառայելուց հետո կարող է 5 տարով դառնալ պայմանագրային զինծառայող, ստանալ մինչեւ 380 հազար դրամ աշխատավարձ եւ օգտվել պայմանագրային զինծառայողի բոլոր արտոնություններից:

Դեկտեմբերի 7-ին Ազգային ժողովը երկրորդ ընթերցմամբ եւ ամբողջությամբ ընդունել է նաեւ պայմանագրային զինծառայողների կամավոր ատեստավորման համակարգի կերպումն նախագիծը, որին կողմ է քվեարկել 65 պատգամավոր, ձեռնպահ՝ 26, դեմ՝ 0:

Նախագծերի փաթեթով առաջարկվում է պայմանագրային զինվորական ծառայության գրավչությունն ու շահագրգռվածությունը բարձրացնելու նպատակով անմիջականորեն մարտական խնդիրների իրականացման, պլանավորման կամ վերահսկման գործառնություններ ունեցող պաշտոններ զբաղեցնող պայմանագրային

զինվորական ծառայության սպայական, ենթասպայական եւ շարքային կազմերի զինծառայողների համար սահմանել հավելված, եւ դրա հաշվարկումը պայմանավորել այդ զինծառայողների կողմից ատեստավորում անցնելու հանգամանքով: Ատեստավորմանը մարտական խնդիրների իրականացման, պլանավորման կամ վերահսկման գործառնություններ ունեցող պաշտոններ զբաղեցնող պայմանագրային զինծառայողները մասնակցելու են կամավոր:

Նախքան քվեարկությունը պաշտպանության նախարար Սուրեն Պապիկյանը հայտարարեց՝ ներդրում են շարքային եւ սպայական կազմերի պարտադիր զինվորական ծառայությունից պայմանագրային զինվորական ծառայության անցման նոր համարագ, որը զինվորական ծառայության գրավչությունն ու շահագրգռվածությունը բարձրացնելու նպատակ ունի:

«Գոյություն ունեցող համակարգն այսօր չի բավարարում մեր երկրի առջեւ ծառայած մարտահրավերները, եւ մենք սահմանում ենք ավելի բարձր Նշանոց պայմանագրայինը պետք է ունենա ավելի բարձր պատրաստվածություն եւ ավելի բարձր կարողություն, եւ պրոֆեսիոնալ բանակը ենթադրում է, որ մեր բանակի զինվորները պետք է ունենան ավելի բարձր ստանդարտներ եւ ավելի բարձր

սոցիալական ապահովություն», - իր եզրափակիչ ելույթում ասաց նախարար Սուրեն Պապիկյանը:

Այս նոր ծրագիրը ներդրելով կառավարությունը դադարեցնում է 2018 թվականից գործող «Ես եմ» ծրագիրը, որն ընդունվել էր նախկին իշխանությունների օրոք:

Պաշտպանության հանձնաժողովի փոխնախագահ, պատգամավոր Արմեն Խաչատրյանը հավելեց՝ նախագծով առաջին համարձակ քայլն է կատարվում պրոֆեսիոնալ բանակի ստեղծման ուղղությամբ: Պրոֆեսիոնալ բանակի անցման խնդիրը նոր գաղափար չէ, հայտարարեց պաշտպանության նախկին նախարար, ընդդիմադիր «Հայաստան» խմբակցության ղեկավար Սեյրան Օհանյանը՝ շեշտելով՝ կողմ են քվեարկելու նախագծին: «Համաձայն չեմ, երբ որ Ջինված ուժերի համալրման խնդիրներում այս կամ այն անուններ ենք դնում՝ «Ես եմ», «Դու ես», «Պաշտպանության հայրենյաց». դա Ջինված ուժերի համալրման ռազմավարության մեջ ժամկետային ծառայությունից պայմանագրային ծառայության անցնելու կետը պետք է լինի: Այս կետին, այս օրենսդրական փոփոխությանը «Հայաստան» դաշինքը կողմ կքվեարկի», - ասաց խմբակցության ղեկավար Օհանյանը:

ՆԱԽՈՒ ԱՅԿԱՆՆԵՐԻՆ

ՎԵՐՋԻՆ ՏԱՐԻՆԵՐ

4855 ԸՆԿՆԱՌՈՒԻ ՀԱՏՈՒՑՈՒՄ Է ՏՐԱՄԱԳԻՎԵԼ

Չինծառայողների աղահովագրության հիմնադրամը 2017թ. սարեակգրից մինչեւ 2022թ. 3-րդ եռամսյակը հասուցում է սրամարդել 4855 ԵՍԻՆՈՒՆԵՐԻ զոհվածների, անհետ կորածների ընթացիկների եւ հաճախորդության աղահովագրության իրավունք ունեցողների:

եռամսյակ՝ 65.3 միլիարդ 33 դրամի հատուցում:

Ըստ հաշվետվության՝ 2017թ. մինչեւ 2022թ. 3-րդ եռամսյակը նվիրաբերությունները կազմել են շուրջ 9 միլիարդ 33 դրամ:

2017-ից մինչեւ 2022թ. 3-րդ եռամսյակը նվիրաբերությունների ընդհանուր թիվը կազմում է գրեթե 80 հազար, իսկ միջին նվիրաբերության գումարը՝ 112,000 33 դրամ:

Ամենաշատ նվիրաբերություններ կատարվել են 2020թ. պատերազմի ժամանակ եւ դրանից հետո: Տարեկան քանակը մինչեւ 2021թ. 3-րդ եռամսյակն արձանագրված ցուցանիշների համեմատ՝ ընթացիկ նվիրաբերությունները նվազել են 61%-ով: Նվիրաբերությունների թիվը եւ միջին չափը նույնպես նվազել են՝ համապատասխանաբար 53%-ով եւ 17%-ով: Դա բացատրվում է հետպատերազմյան իրավիճակով, քանի որ պատերազմի ժամանակ նվիրաբերությունները սովորաբար կտրուկ աճ են ցույց տալիս, ինչն արտահայտվել է 2020թ. արդյունքներում:

Չինծառայողների ապահովագրության հիմնադրամը շահույթ չհետապնդող, հատուկ օրենսդրությամբ կարգավորվող հիֆադրամ է, որը հիմնադրվել է 2017թ. 33 կենտրոնական բանկի կողմից հայրենիքը եւ նրա սահմանները պաշտպանելիս զոհված, անհայտ բացակայող ճանաչված, 1-ին եւ 2-րդ խմբի զինհաշմանդամությունն ձեռք բերած զինծառայողներին եւ նրանց ընտանիքներին կայուն, արդար ֆինանսական հատուցում տրամադրելու նպատակով: ՋԱՀ-ը կառավարվում է անկախ, արհեստավարժ եւ բարձր հեղինակություն վայելող 30 գաբարձուների խորհրդի կողմից:

ՋԱՀ-ի միջոցները գոյանում են Յայաստանում ու Արցախում եկամուտ ստացող անձանց ամսական պարտադիր վճարներից՝ մինչ օրս մոտ 84.8 միլիարդ 33 դրամ, կամավոր նվիրաբերություններից՝ մինչ օրս մոտ 11.8 միլիարդ 33 դրամ, որոնք ստացվում են աշխարհասփյուռ հայությունից, ինչպես նաեւ ՋԱՀ-ի ակտիվների կառավարումից ստացված եկամտից՝ շուրջ 9 միլիարդ 33 դրամ:

● Անցած 1 օրվա ընթացքում Յայաստանի Հանրապետությունում արձանագրվել է 13 ճՏՊ. 1 մարդ զոհվել է, 14-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՀՈՎԱՆԱՎՈՐԸ «ԱԿԲԱ»-Ն Է

Հայաստանում ռոբոտաշինության, ծրագրավորման, էլեկտրոնիկայի և դիզայնի նկատմամբ հետաքրքրության զարգացման, ինչպես նաև ճարտարագիտական մասնագիտությունների նկատմամբ հետաքրքրությունը մեծացնելու նպատակով Առաջատար տեխնոլոգիաների ձեռնարկությունների միությունը դեկտեմբերի 11-ին Հայաստանում կանցկացնի «ԱրմՌոբոտիքս 2022» ինքնակառավարվող ռոբոտների Հայաստանի 14-րդ առաջնությունը:

Առաջնության անցկացման հովանավորը նաև «Ակբա» բանկն է:

Մրցույթի շրջանակում ռոբոտաշինության և ծրագրավորման իրենց հմտությունները, ունակություններն ու գիտելիքները կցուցադրեն 3 տարբեր խմբերի բաժանված թիմերը՝ դպրոցահասակների թիմերը (10-17տ.), սկսնակ ընկերությունների թիմերն ու մասնագիտացած ընկերությունները:

Թիմերի ստեղծած ռոբոտները մրցույթի ընթացքում կլուծեն ագրոտորտին վերաբերող խնդիրներ՝ բերքի հավաքումից մինչև սերմերի տնկում, այգիների ու բույսերի ոռոգումից մինչև կենդանիների կերակրում: Ռոբոտները նաև կկատարեն տնտեսության մշտադիտարկում, ստացվող տվյալների վերլուծություն:

Բանկը վերահսկվում է ՀՀ ԿԲ կողմից:

ԳԵՍՊԱՆՈՒԹՅՈՒՆ՝ ՈՒՐՈՒԳՎԱՅՈՒՄ

Կառավարությունն իր երեկվա՝ դեկտեմբերի 8-ի նիստում հավանության տվեց 2022 թ. օգոստոսի 19-ին ստորագրված «Հայաստանի Հանրապետության և Ուրուգվայի Արենյան Հանրապետության միջև դիվանագիտական ներկայացուցչությունների և հյուպատոսական հիմնարկների դիվանագիտական, հյուպատոսական, վարչական և տեխնիկական անձնակազմի ընտանիքի անդամների կողմից վարձատրվող գործունեություն իրականացնելու մասին» համաձայնագիրը հաստատելու մասին» ՀՀ նախագահի հրամանագրի նախագծին:

Հիմնավորման համաձայն՝ 2019 թ. օգոստոսից Երեանում գործում է Ուրուգվայի Արենյան Հանրապետության դիվանագիտական ներկայացուցչությունը: 2022 թ. օգոստոսի 19-ին Մոնտեվիդեոյում ուրուգվայական կողմին է փոխանցվել Հայաստանի ԱԳՆ հայտագիրը՝ Ուրուգվայում Հայաստանի Հանրապետության ռեզիդենտ դեսպանություն բացելու հայկական կողմի մտադրության մասին: Վերոնշյալ համաձայնագրի նպատակն է բարելավել դիվանագիտական ներկայացուցչությունների և հյուպատոսական հիմնարկների անձնակազմի ընտանիքի անդամների աշխատանքային հնարավորությունները:

ՆԻՍ

ԶԳՈՒՇԱՅՈՒՄՆԵՐ՝ ԳԻՆԱՐԱՐՈՒԹՅԱՄԲ ԶԲԱԴՎՈՂՆԵՐԻՆ

Գործադիր փոփոխություն և լրացում է կատարել նախկինում ընդունած որոշումներից մեկում՝ շինարարական հրադարակներում առկա իրավիճակի, աշխատանքի անվանագրության, սանհարահիգիենիկ, սեխնիկական անվանագրության, մթնոլորտային օդի և Երջակա միջավայրի աղտոտման խնդիրները համակարգային կարգավորելու անհրաժեշտությունից ելնելով: Ըստ հիմնավորման՝ գործող կարգավորումները դասվիհասուին չեն դասադում շինարարական ծրագրերի գնման դայմանագրերում դասադիր նախատեսել կարգավորումներ շինարարական հրադարակներում առկա իրավիճակի, աշխատանքի անվանագրության, սանհարահիգիենիկ, սեխնիկական անվանագրության, մթնոլորտային օդի և Երջակա միջավայրի աղտոտման նորմերի դահողանման վերաբերյալ: Որոշմամբ առաջարկվում է նվաճը դարձնել որդես դայմանագրերի նախագծերում ներաճող դասադիր դայման՝ գուզահես դրանց խախտման համար դայմանագրերի նախագծերում նախատեսող կարգավորումներ: Ըստ այդմ՝ նախատեսվում է սահմանել, որ շինարարական ծրագրերի գնման դեղում դայմանագրում (նախագծում) ողես է ներաճվեն հեսելյալ դասադիր դայմանները:

- կապալառուն կնքվելիք դայմանագրով նախատեսված աշխատանքները կատարում է, իսկ տեխնիկական հսկողություն իրականացնող ընկերությունն այդ աշխատանքների համապատասխանությունը հսկում է քաղաքաշինական նորմատիվատեխնիկական և հաստատված նախագծանախահաճվային փաստաթղթերին համապատասխան,

- պատվիրատուն շինարարական աշխատանքների և տեխնիկական հսկողություն իրականացնող ընկերությունների նկատմամբ կիրառում է պատասխանատվության միջոցներ՝ աշխատանքների կատարման որջ ընթացքում քաղաքաշինական նորմատիվատեխնիկական և հաստատված նախագծանախահաճվային փաստաթղթերով սահմանված պահանջների, այդ թվում՝ շինարարական հրապարակի պատշաճ կազմակերպման, կահավորման և անվտանգության տեխնիկայի կանոնների չպահպանման յուրաքանչյուր արձանագրված դեպքի համար: Ընդ որում՝ դեպքերը և դրանց ի հայտ գալու պարագայում կիրառվելիք պատասխանատվության միջոցները սահմանվում են սպառիչ և առանց երկակի մեկնաբանության հնարավորության,



- գնումների դիմաց վճարումները՝ ներառյալ կանխավճարի հատկացումը, իրականացվում են՝ հաճվի առնելով լիազորված մարմնի կողմից հաստատված դայմանագրի օրինակելի ձեռով նախատեսված դայմանները:

Արդյունքում կկարգավորվեն շինարարական հրապարակներում առկա իրավիճակի, աշխատանքի անվտանգության, սանիտարահիգիենիկ, տեխնիկական անվտանգության, մթնոլորտային օդի և Երջակա միջավայրի աղտոտման խնդիրները՝ բացառելով հայեցողական մոտեցումների կիրառումը:

Նիկոլ Փաշինյանը կարելու է ընդունված որոշումը և նշել է, որ խոսքը շինարարական կարգավորում ստանդարտներ սահմանելու մասին է: «Այսինքն՝ շինարարական ինչ վիճակում պետք է լինի, այնտեղ աշխատողներն ինչ վիճակում պետք է լինեն, ինչ հագուստ պետք է կրեն, և անվտանգության ինչ միջոցներ նախատեսեն: Այստեղ հարցերը բազմաշերտ են: Մենք տեսանք, որ Երեանում փոշու ինչպիսի աննախադեպ մակարդակ կա: Շինարարության ծավալները, այդ, շատ մեծ թափ են հավաքել, բայց, մյուս կողմից, մենք անընդհատ այդ սահազանները ստանում ենք և տեսնում ենք նաև, որ փոշու աղտոտվածության շատ բարձր ցուցանիշներ են արձանագրվել Երեանում: Սրա պատճառներից մեկն այն է, որ շինարարական կարգավորում ստանդարտները չեն պահպանվում: Մենք պետք է այս հարցում լինենք հետևողական:

Մյուս կողմից՝ շինարարական ինչ վիճակում պետք է լինի, և նաև այնտեղ

աշխատողներն ինչ տեսք պետք է ունենան, և շինարարական ինչպես պետք է տարանջատվի մնացած քաղաքացիների առօրյա կյանքից. սրանք բոլորը շատ կարևոր հարցեր են և ունեն և՛ անվտանգային, և՛, արդեն ասացի, բնապահպանական, և՛ էսթետիկ, և՛ սոցիալ-հոգեբանական նշանակություն: Կարող է նույնիսկ հարց հնչել՝ արդյոք մենք չափից ավելի ժամանակ և ուշադրություն չէ՞նք տրամադրում այս՝ մեր ընդհանուր օրակարգի մեջ փոքր թվացող հարցին: Բայց, իմ կարծիքով, նախկինում սրա մասին բազմիցս խոսել ենք, սա, փոխաբերական իմաստով, ԴՆԹ մակարդակի խնդիր է. ԴՆԹ մակարդակի խնդիրներում շեղումները հետագա պրոցեսներում շղթայական մեծ և տեսանելի հետևանքների են բերում: Եվ ես կարծում եմ, որ, այո, մենք բոլոր մակարդակներում մեր երկրում պետք է ստանդարտները սահմանենք և ոչ միայն սահմանենք, այլև հետետողական լինենք այդ ստանդարտների իրականացման, ներդրման և պահպանման առումով: Այդ առումով այն շատ եմ կարելու է կարելու էմ, որ մենք հետետողական լինենք, ոչ թե մեկ որոշում ընդունենք, ասենք՝ մենք մեր անելիքն արեցինք, այլ հետագայում նաև տեսնենք՝ այդ որոշումներն ինչպես են աշխատում, աշխատում են, թե չեն աշխատում: Եթե չեն աշխատում կամ լավ չեն աշխատում, պետք է դրանք լավարկենք և շարունակենք աշխատել այդ ուղղություններով», - ընդգծել է գործադիրի ղեկավարը:

ԼԱՐՍԻ ԱՆՑԱԿԵՏ

ՆՈՐ ԽՆԴԻՐՆԵՐ ԵՆ ԱՌԱՋ ԵԿԵԼ

Գեղի Լարսի անցակետ գնացող հայ բեռնասար մեքենաների վարորդներին հաջողվել է Երջանցել Թբիլիսիի Երջանցիկ ճանադարի:

Ազգային ժողովի «Հայաստան» խմբակցության պատգամավոր Գառնիկ Դանիլյանն ArmLur.am-ի հետ զրույցում նշում է, որ բեռնատարները մոտ 4-5 օր առաջ կարողացել են Լարսի հասնել, բայց երկու օր է, ինչ նոր խնդիրներ են առաջ

եկել: Պատգամավորի փոխանցմամբ՝ Լարսի անցակետում բեռնատարների կուտակումներ են ոչ միայն Վրաստանից դուրս եկողների, այլև վերադարձողների համար: Ու վարորդները, փաստորեն, թե՛ գնալիս, թե՛ հետդարձին անցակետում ստիպված են լինում օրեր անցկացնել: Ինչ վերաբերում է հայաստանյան իշխանությունների ու կառավարիչների քայլերին՝ օգնելու համար Լարսի անցակետում խցանման մեջ մնացած մեր հայրանկից-

ներին, ապա, Դանիլյանի գնհատմամբ, եթե անգամ դրանք կան, ու ինչ-ինչ քայլեր արվում են, միանշանակ, բավարար չեն: Հիշեցնենք, որ Լարսի անցակետը հատել փորձող որոշ բեռնատարներ Նոյեմբերի սկզբից են Վրաստանի տարածքում: Այժմ, փաստորեն, թեև Լարսի անցակետի թողունակությունը փոքր-ինչ շատացել է, բայց խնդիրն ամբողջությամբ չի լուծվել:

ՍԵՎԱԿ ՎԱՐՈՂՈՒՅԱՆ

«Տողովուրդ» օրաթերթում և ArmLur.am կայքում գովազդ, հայտարարություն, հաճվետվություն, ծանուցում տեղադրելու համար գանգահարել 094-455-456 հեռախոսահամարով:

ԿԱՐԾԻՔ

ՀԻՎԱՍԹԱՓՈՒԹՅՈՒՆ

ԱՇԽԱՐՀԻ ՉԵՄՊԻՈՆՆԻՆ ՉԵՆ ԴԻՄԱՎՈՐԵԼ

2022 թվականի բռնցքամարտի աշխարհի ու Եվրոպայի չեմպիոն Էրիկ Իսրայելյանին մոտ 500 օր է, ոչ միայն դաժան է չեմպիոնին հարի ձեռով չեն դիմավորել հայրենիքում, այլ նաև գնահատանքի և շնորհակալական խոսքեր չեն եղել կառավարության, ԿԳՄՍ նախարարի և Հայաստանի բռնցքամարտի ֆեդերացիայի կողմից, ինչն էլ մեծ հիասթափություն է վրդովմունք է դասճանաչել մարզիկին:

«Ոնց հասկացա, ձեզ համար բռնցքամարտի Եվրոպայի և աշխարհի չեմպիոնի տիտղոսը 0-է: Եթե եղպես է, էլ ես Հայաստանի եռագույնը չեմ բարձրացնի: Ես միշտ ուզեցել եմ, որ հայ ազգիս ուրախացնեմ, բայց եթե ես չեմ գնահատվում, ես կբարձրացնեմ այլ երկրի դրոշմ...»,- գրել էր Էրիկ Իսրայելյանը:

Այս առնչությամբ ArmLur.am-ը գրուցեց նաև ՀՀ բռնցքամարտի ֆեդերացիայի մամուլի քարտուղար Արամ Մանուկյանի հետ, որը վստահեցրեց, որ մարզիկին օդանավակայանում ֆեդերացիան դիմավորել է ծաղկե դափնիներով:

Իսկ, ահա, երբ դիմեցինք ԿԳՄՍ նախարարություն, մեզ ասացին, որ որոշակի ժամանակ է հարկավոր, որպեսզի պատասխանեն մեր հարցադրմանը, թե ինչն է եղել մարզիկին չեմպիոնություն պատճառը: Իսկ ավելի ուշ մեզ տեղեկացրին, որ այսօր սպասվում է ԿԳՄՍ փոխնախարար Կարեն Գիլոյանի մոտ հանդիպում բռնցքամարտի աշխարհի ու Եվրոպայի չեմպիոն Էրիկ Իսրայելյանի հետ:

Այսպիսով, ստացվում է, որ մինչև մարզիկները չաղաղակեն իրենց չգնահատելու փաստը, եւ լրատվամիջոցները չբարձրաձայնեն խնդիրը, ԿԳՄՍ նախարարությունն այդպես էլ ոչինչ չի անի:

ԼԻՂԱ ԵՂԻԱՋԱՐՅԱՆ



ԼՈՒՐԵՐ

ԵՎՍ ՄԵՆ ԿՈՐՈՒՄՏ

Ֆուտբոլի Պորտուգալիայի հավաքականը եւս մեկ կարգադրյալ կորուստ ունի աշխարհի առաջնության քառորդ եզրափակիչից առաջ: Կիսապաշտպան Դանիլու Պերեյրան վնասվածքի պատճառով չի կարողանա շարունակել մրցելույթն աշխարհի առաջնությունում:

Նա կվերադառնա փարիզյան ՊՍԺ եւ կանցնի վերականգնողական փուլ: Աշխարհի առաջնությունում վնասվածք էր ստացել նաև պորտուգալացի պաշտպան Նունու Մենդեշը, որը նույնպես կվերադառնա ՊՍԺ: Աշխարհի առաջնության քառորդ եզրափակիչի Մարուկո - Պորտուգալիա հանդիպումը տեղի կունենա դեկտեմբերի 10-ին:

ՏԵՂԱՓՈԽՎԵԼ Է ՊՈՐՏՈՒԳԱԼԻԱ

55-ամյա ճապոնացի ֆուտբոլիստ Կաճույուի Միուրան ճապոնական «Սունուկայից» տեղափոխվել է Պորտուգալիայի երկրորդ դիվիզիոնը Ներկայացնող «Օլիվեյրենս»: Նա ավագագույն պրոֆեսիոնալ ֆուտբոլիստն է պատմության մեջ: Առաջին պրոֆեսիոնալ հանդիպումը Միուրան անցկացրել է 1986 թվականին բրազիլական «Սանտոսում»: Նա հանդես է եկել Բրազիլիայում, Ճապոնիայում, Իտալիայում, Խորվաթիայում եւ Ավստրալիայում: 2021-ին Միուրան մասնակցել է Ճապոնիայի առաջնության մեկ հանդիպման:

ԹԻՄՈՒՄ

ՎԱՏԱՔՈՒԹՅՈՒՆ ԿԱ

Աշխարհի առաջնության քառորդ եզրափակիչից առաջ Եվրոպայի փոխչեմպիոն Անգլիայի հավաքականի եւ «Մանչեսթեր Յունայթեդի» պաշտպան Հարի Մագուայրը խոսել է անգլիացի Գարեթ Սաուդեյթի գլխավորած թիմի տրամադրվածության մասին:

«Անգլիայի հավաքականում կա վստահություն, որ մենք պետք է հաղթենք այս մրցաշարում: Դա մտածողության լավ փոփոխություն է: Գիտակցում ենք, թե ինչքան բարդ խնդիր է աշխարհի գավաթը նվաճելը: Կա ես հինգ կամ վեց թիմ այդպիսի հավատով: Հիմա մենք հավատում ենք մեր հաղթանակին», - ասել է Մագուայրը:

ԿՈՉ՝ ՀՐԵՄՆԵՐԻՆ

Ամերիկացի ռեփ կատարող Քանյե Ուեսթը հրեաներին կոչ է արել ներել Նացիստ դիկտատոր Ադոլֆ Հիտլերին: Ծայրահեղ աջ ակտիվիստ եւ սյունակագիր Քեյն Մաքսինեստին տված հարցազրույցի ընթացքում Ուեսթը մատնանշել է, որ հրեաները չպետք է դատապարտեն իր տեսակետները: «Հրեաները չեն կարող ասել ում կարող եմ սիրել եւ ում ոչ: Դու չես կարող քո ցավը պարտադրել բոլորին: Հրեա ժողովուրդը պետք է ների Հիտլերին», - ասել է արտիստը: Նա հրեաներին մեղադրել է 3-րդ Ռեյխի ֆյուրերի հեղինակությունը գցելու համար, քանի որ վրդովված էին, որ «Հիտլերն իրենց վտարել էր երկրից»: Արտիստը կրկնել է նաև իր նախկին պնդումն այն մասին, որ լրատվամիջոցների մեծ մասը, ինչպես նաև բանկերը, անշարժ գույքը եւ առևտրի կենտրոնները վերահսկվում են հրեաների կողմից:

ՂԱՂԱՐ

Ո՞Ր ԵՆ ԿՈՐԵԼ ԻՆՔԱ ԵՎ ԱՆՈՒՇ ԱՐՇԱԿՅԱՆՆԵՐԸ

Ո՞ր են կորել երգչուհիներ Ինգա եւ Անուշ Արշակյանները. այս հարցն այսօր հետաքրքրում է հանրության մեծամասնությանը: Արշակյան փոխերն արդեն մի քանի օր է, ինչ դադարել են ստեղծագործել: Վերջին սեսսիոնականը՝ «Ադրեյու ադրիլ» երգը՝ նվիրված Ցեղասպանության զոհերի հիշատակին, փոխերը ներկայացրել են 2015 թվականին:

Նշենք, որ Ինգա եւ Անուշ քույրերը հայկական շուրջիվեստում այն եզակի երգչուհիներից են, որոնք ունեն իրենց բնորոշ գույն ու երանգ:

Արշակյան քույրերից Ինգա Արշակյանն ամուսնացել է, մշտական բնակություն հաստատել ԱՄՆ-ում, իսկ Անուշ Արշակյանից որեւէ տեղեկություն չկա, քանի որ քույրերը պասիվ են նաև սոցիալական հարթակներում:

Հիշեցնենք, որ 2009 թվականին «Եվրատեսիլ» միջազգային մրցույթում Հայաստանը ներկայացրել են Ինգա եւ Անուշ Արշակյանները:

ԼԻՂԱ ԵՂԻԱՋԱՐՅԱՆ



● Դեկտեմբերի 10-ին «Գոյ» թատրոնում տեղի կունենա «Օտարը» թատերական ներկայացումը: Տոմսերի արժեքը՝ 2000 դրամ: Սկիզբը՝ ժամը 19:00-ին:



Էջը՝ ՈՂՋԱ ՊՈՂՈՍՅԱՆԻ

ՏՆՏԵՍԱԿԱՆ

ՀԱՐՑ. Ինչպե՞ս է կասարվում դեռահաս անհատներում կամ անհատային հողերում անհատային սենսուրյան վարումը:
Հասմիկ Կիրակոսյան (48 տարեկան)



ՊԱՏԱՍԽԱՆ. Մինչև մեկ տարի ժամկետով պետական անտառները կամ անտառային հողերը օգտագործման տրամադրելու դեպքում անտառային տնտեսության վարումն իրականացնում է սեփականատերը: Մեկ տարուց ավելի ժամկետով վարձակալության պայմանագրի կնքման դեպքում վարձակալը պարտավոր է վարել անտառային տնտեսությունը եւ կրել այն վարելու ծախսերը:

Անտառային տնտեսություն վարող վարձակալն իրավունք ունի կառուցելու ժամանակավոր շինություններ, իրականացնելու անտառօգտագործման այն տեսակները, որոնք նախատեսված են պայմանագրով:

ՀՀ շրջակա միջավայրի նախարարություն

«ԺՈՂՈՎՈՒՐԳ». Վարձակալի կողմից ժամանակավոր շինությունների կառուցումը թույլատրվում է վարձակալության պայմանագրով նախատեսված դեպքերում: Վարձակալի կառուցած ժամանակավոր շինությունները վարձակալության պայմանագրի ավարտից հետո վարձակալի միջոցներով ենթակա են քանդման, եթե պայմանագրով այլ բան նախատեսված չէ: Դրանք արժեքը փոխհատուցման ենթակա չէ: Վարձակալի կառուցած շինությունները փոխադարձ համաձայնությամբ կարող են հանձնվել անտառային հողերի սեփականատիրոջը:

ՍՈՑԻԱԼԱԿԱՆ

ՀԱՐՑ. Թոռներին դառնելու՝ դադարի եւ աստիճանաբար դադարակալությունը:
Մուրադ Մարգարյան (35 տարեկան)




ՊԱՏԱՍԽԱՆ. Օգնության կարիք ունեցող անչափահաս թոռներն իրենց ծնողներից ապրուստի միջոց ստանալու անհնարինության դեպքում անհրաժեշտ միջոցներ ունեցող իրենց պապերից ու տատերից դատական կարգով ալիմենտ ստանալու իրավունք ունեն: Նույնպիսի իրավունք տրվում է օգնության կարիք ունեցող չափահաս անաշխատունակ թոռներին, եթե նրանք չեն կարող ապրուստի միջոց ստանալ իրենց ամուսիններից (նախկին ամուսիններից) կամ ծնողներից:

ՀՀ աշխատակալի եւ սոցիալական հարցերի նախարարություն

«ԺՈՂՈՎՈՒՐԳ». Օգնության կարիք ունեցող անաշխատունակ պապերը եւ տատերն իրենց չափահաս աշխատունակ զավակներից կամ ամուսնուց (նախկին ամուսնուց) ապրուստի միջոց ստանալու անհնարինության դեպքում անհրաժեշտ միջոցներ ունեցող իրենց չափահաս աշխատունակ թոռներից դատական կարգով ալիմենտ ստանալու իրավունք ունեն:

ԼՈՒՐ ԿԱԴՐ

Լուսանկարը՝ համացանցից



Կառավարությունն իր երեկվա՝ դեկտեմբերի 8-ի նիստում սահմանեց Մաքսային մարմնի հանրային ծառայողի համազգեստի ձևը: Վերջին անգամ մաքսային ծառայության համազգեստի ձևը թարմացվել է ՀՀ կառավարության 2020 թվականի հուլիսի 9-ի որոշմամբ, ուստի անհրաժեշտություն է առաջացել մաքսային ծառայության համազգեստի ձևը արդիականացնել՝ էլեկտրոնիկայի արտաքին տեսքի, այնպես էլ օգտագործվող նյութերի եւ ֆունկցիոնալության բարելավման անհրաժեշտությունից:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
 «Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ.՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 8.12.2022

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
 խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: